

PRÆFATIO AD LECTOREM.

Ut verò in viam tandem redcam, non Reipubl. aliquam descriptionem, ejusque instituta, mores, leges, Tibi, lector, hic exhibere, neque enim id fortasse operæ pretium fuisset, sed incunabula civitatum harum metalliferarum eruere & expedire animus fuit. Nescio enim quæ me à teneris ad rerum harum metallicarum fontes penetrandi invitārit semper curiositas, quam ne quidem severioribus intentus potui explere. Omnes tamen conatus meos eventus ferè destituit, cum quicquid hac de re monumentorum expectaveram, vel Martis furori cessisset, Tylii olim milite sese in hæc montana effundente, vel igne, ante quadraginta annos hanc nostram patriam miserè depascente, consumptum fuisset. Non tamen omisi pertinaciam consilii mei, & cum ex aliis historiarum monumentis, tum ex iis, quæ, pauca licet, adhuc apud amicos delitescebant, hæc quæ vides eruta publicæ luci dedi. Tu, si placet, iis fruere & vale.



Bon